

## Ñiic 19

1. Kæ ñaani kæn næi tëë ca dap kæ kœr Nœah?

-Kæ guandœœenikun kænæ guàdœœeni.

2. Æn guandœœenikœn ñàckæ Kuoth ænëë?

-Juä.

3. Kä cu guandœœenikœn Kuoth ñàc idi?

-Min nhiamdiæn, cu dit nath gaat làr ciañ Kuœth kænæ nyœc.

4. Æ ñu mi ci dit nath æ làr gaat kæ kui Kuœth kænæ nyœc?

-Æn Kuoth nyiiræ duèr, kä kæ kœræ, cuæ næi diaal däk kæ nyœc cuæ päl ni Nœah kænæ ji gœaalæ kärœa.

5. Kä cu guandœœenikœn Kuoth nyœk kæ ñàc idi?

-Min ræwdiæn, cu miid guandœœenikœn làr ciañ Kuoth.

6. Kä æ ñu mi ci miid æ làr guandœœenikœn kæ kui Kuœth œ?

-Kuoth nhœkæ naath, kä /cæ wic mucœœen bi nyœk kæ däk kæ nyœc.

7. Kä cu guandœœenikœn Kuoth nyœk kæ ñàc idi?

-Min dicœœkdiæn, ci guandœœenikœn Kuoth ñàc kæ šoo ci puààr, yiër, pääm, kænæ jæn ruac kæ kui Kuœth.

8. Kä æ ñu mi ci puààr, pääm, yiër, kænæ jæn æ làr guandœœenikœn kæ kui Kuœth œ?

-Kuoth æ jæn Kuoth kärœa, kä naath dè dhil guœœer ni Kuoth kärœa.

9. Æn riu guandœœenikœn ñàthkæ Kuoth?

-Šèth.

-Kæ næi ti toet käro kä guandœœenikœn toë ñàthkæ Kuoth toë.

10. Kæ šoo dè guœœer ni Kuoth, cu riu guàndœœenikœen guœœer ni ñu?  
-Ci riu guàndœœenikœen guœœer ni Ciæ-tan kænæ kààcnikæ.

11. Æ ñu mi ci Ciæ-tan æ làr guàndœœenikœen i ba làt?  
-Ba pal ni cãñ, pay, kænæ kuæl.  
-Ba pal ni yièy.  
-Ba pal ni jïæn ti ca ñat kæ pääm ti ca guañ cèt kæ naath kænæ lèi.

12. Æ ñu /ci Kuoth æ gòr i bi naath cièñ guäth kæl œ?  
-Kä kæ šoo /ci kæ Kuoth bilæ pàl ruèèc kä /ci duèèrkiæn bilæ ñuan.

13. Æñu ci naath æ tök kæ šoo bikæ cuut mi bäär täth kä Ba-bæl œ?  
-Kæ šoo naath ca ro liak æ lòñ.  
-Kæ šoo naath ca jæ gòr i bikæ ro möc kæ ciot.

14. Mëè ci naath cuut in bäär täth ci Kuoth kæ næn ænëè?  
-Juä.

15. Ñäc Kuoth cär nath diaal nun?  
-Juä.  
-Æ /kèn raanæ ni tök kæ càr, Kuoth ñäcæ tin diaal tin caaræ æwic.

16. Ñäc Kuoth ruaacni nath diaal nun?  
-Juä.  
-Æ /kèn raanæ ni tök kæ rièt, Kuoth ñäcæ rièètkæ diaal æwic.

17. Ñäc Kuoth lät nath diaal nun?  
-Juä.

-Æ /kèn raanæ ni tök kæ lätni, ñäc Kuoth tin diaal tin bæ làt æwìc.

18. Æn Kuoth pälæ naath ruèèc?

-Kuoth /cæ mi car kæ æ naath päl ruèèc.

-Kuoth /cæ mi lar kæ æ naath päl ruèèc.

-Kuoth /cæ mi làt kæ æ naath päl ruèèr.

19. Kæ šoo ci guàndœœnikœn luth Kuœth bäl, ci Kuoth æ cu car i bæ kæ duäc. Kä æ duäc indiæn ænëë ci Kuoth æ car?

-Ci Kuoth naath kàm thuk ti gool kæ šoo /ca ro bi liñ kamnikiaæn.

20. Kæ kœr kä mëë ci Kuoth næi diaal möc kæ thuk ti gool, kä æ ñu mi cæ nyœk kæ lätni?

-Cu Kuoth næi diaal däkä wic muœœn kæliw.

21. Kä cu guudœœnikun cöp æn wanæ idi?

-Kæ kœr runi ti ñuan, cu kæ bèn æn wanæ kæ ciok kænæ riàth yiëër.

-Guàndœœnikœn tè ci cièñ kæ kœr Nœah cuœ luth Kuœth bäl æ kæn, kä cuœ cuut Ba-bæl cu täth.

-Cuœ guœœr ni kààcni Ciæ-tan, kä /ci tœœ thuœœk Kuœth.

-Cuœ guœœr ni duœœkiaæn, kä lòkæ Kuoth.

-Kä kæ šoo ci guàndœœnikœn Kuoth bèn lòk, ci Kuoth caræ bèn päl kæ šoo bæ naath bèn kæn?

-Šèth.

-Kä kæ šoo ci guàndœœnikœn Kuoth bèn lòk, ci Kuoth càræ bèn päl kæ šoo bæ Kään jàk?

-Šèth.

-Mi ci Kuoth riètdæ ca-lar, ni ciañ la Kääpæ min Cæ lar.

-Ræi Kakä Æ-dÿyn, ci Kuoth A-dœem kænæ Yip jiook i bæ Kään jækä kæ.

-Kuoth /cæ lăræ dè mèt tòl.

-Ci Kuoth Thæ-th kæ I-noek kænæ Nœah jiook i bæ Kään jæk.

-Kuoth /cæ lăræ dè mèt tòl.

-Kä kæ šoo ci guàndœœenikoœn Kuoth bèn lòk, /kèn Kuoth caræ bèn päl kæ šoo bæ Kään jæk.

-Kä kæ šoo ci guàndœœenikoœn Kuoth bèn lòk, Kuoth ñötæ kæ mi gòræ šoo bæ Kään jæk kæ šoo bæ naath bèn kæn duèèri.

-Kä kæ šoo ci guàndœœenikoœn Kuoth bèn lòk, Kuoth ñötæ kæ mi gòræ šoo bæ Kään jæk kæ šoo bæ naath bèn kæn lith.

-Kä kæ šoo ci guàndœœenikoœn Kuoth bèn lòk, Kuoth ñötæ kæ mi gòræ šoo bæ Kään jæk kæ šoo bæ naath bèn kæn kä Ciæ-tan.

-Dè naath Kuoth gañ kæ šoo /cæ Kään bi jæk?

-Šèth.

-Dè dayiæmni Kuoth gañ kæ šoo /cæ Kään bi jæk?

-Šèth.

-Dè Ciæ-tan Kuoth gañ kæ šoo /cæ Kään bi jæk?

-Šèth.

-Kä æ ña mi dè Kuoth gañ kæ šoo /cæ Kään bi jæk?

-/Thilæ læ raan.

-Mi ci Kuoth æ car i bæ Kään jæk, /thilæ mi dè Kuoth gañ.

-Kä kæ šoo ci guàndœœnikœen ti ñuan Kuoth lòk, cu Kuoth ram kæl cu mÿk kæ šoo bæ Kään jàk kæ duœœpdæ.

-Ciot ran ëë ci Kuoth æ mÿk æ Æb-ram.

-Ci Kuoth æ mÿk i bæ Kään jàk kæ Æb-ram.

-Kä æ ñu ci Kuoth Æb-ram mÿk kæ šoo bæ Kään jàk kæ jæ mœ?

-Ci Kuoth Æb-ram mÿk kæ šoo kèn Æb-ram duèr?

-Šèth.

-Æb-ram æ guàn duèeri.

-Æb-ram æ kuÿ A-dœam.

-Æb-ram ca jæ dap ræi duirä.

-Kä æ ñu ci Kuoth Æb-ram mÿk œ?

-Æb-ram ñäähæ jæ i Kuoth šÿlæ rœ.

-Æb-ram ñäähæ jæ i cæ duèr.

-Æb-ram ñäähæ jæ i duèræ ròñæ kæ lià.

-Æb-ram ñäähæ jæ i Kuoth æ jæn dè jæ kæn kârœa mœ.

-Æb-ram ñäähæ jæ i bi Kuoth Kään jàk.

-Kä kæ šoo Ab-ram ñäähæ Kuoth, cu Kuoth æ cu mÿk i bæ Kään jàk kæ Æb-ram.

-Guàn Æb-ram æ Tæ-ra.

-Kä Tæ-ra æ kuÿ Cæ-m.

-Tiimi ciot gan Nœah?

-Cæ-m, Šæ-m, kænæ Ja-pæth.

-Æb-ram æ kuÿ Cæ-m, min mœ ram kæl kä gaat Nœah.

Kuænæ Tuk 11:27 kænæ 29-30

27-Mæmæ æ ñäc kæ kui Tæ-ra. Cu Tæ-ra la guàn Æb-ram, Na-ur kænæ Æ-ran. Kä cu Æ-ran la guàn Loet.

29-Kä cu Æb-ram kænæ Na-ur kuææn kæn dañ ræw. Ciot cièk Æb-ram æ Thÿÿ-ri, kä ciot cièk Na-ur æ Mil-ka; min mœ nyaa Æ-ran, min la guàn Mil-ka kænæ lth-ka.

30-Tämæ Thÿÿ-ri æ röl; /thilæ jæ gaat.

-Cäñ kæl, cu Æb-ram kuææn.

-Cu Æb-ram kuææn kæ cièk mi cœali Thÿÿ-ri.

-Kä cu Æb-ram kænæ Thÿÿ-ri ñöt kæ mi /thil kæ gaat.

-Kä æ ñu Æb-am kænæ Thÿÿ-ri /thil kæ gaat œ?

-Kæ šoo Thÿÿ-ri æ röl.

-Æb-ram kænæ Thÿÿ-ri cièñ kæ rÿÿk Ur.

-Ji Ur /ca Kuoth ñäth kænæ thuœœkæ.

-Ji Ur guœœer kæ ni Ciæ-tan kænæ kàacnikæ.

-Ji Ur kæ næi ti jiäk.

-Mëe ñöt Æb-ram kæ mi ciëñæ kä Ur cu Kuoth päl kä jæ.

-Kä mæmæ æ min ci Kuoth æ lår Æb-ram:

Kuænæ Tuk 12:1

1-Kä cu KUÄÄR Ab-ram jioK, “Bänyni wiecdu piny, kæ nækun kænæ cieñ guuri kä wer muun mi bä wä nyuœth ji.”

-Æ ñu mi ci Kuoth æ lår Æb-ram i bæ lät?

-Ci Kuoth Æb-ram jioK i bæ wiecdæ bány piny, kä bæ wä guäth mi bi Kuoth æ bõth thin.

-Kä æ ñu cu Kuoth Æb-ram jioK i bæ Ur kænæ wiecdæ bány piny œ?

-Kæ šoo Ji Ur /ca Kuoth ñäth kænæ thuoœekæ.

-Kæ šoo Ji Ur guœœerkæ ni Ciæ-tan kænæ kààcnikæ kärœa.

-Kæ šoo Kuoth gòràæ šoo bæ roe möc næi ti ba Kuoth ñäth.

-Kä cu Kuoth ruac kæ Æb-ram idi?

-Ci Kuoth ruac kæ Æb-ram kæ joewdæ.

-Ci Kuoth ruac kæ Æb-ram kæ joewdæ kæ šoo ñöt Bök Kuœth /kànæ ni goer guäth ëë tè Æb-ram tèèkä.

-Kä Kuoth ruacæ kæ koen idi æn tämæ?

-Tämæ, /ci Kuoth læ ñöt kæ mi ruacæ kæ koen kæ joewdæ ælõñ.

-Tämæ, Kuoth ruacæ kæ koen kæ duœœp Buœkdæ, min mœ Bayböl.

-Dènæ Rièèt Kuœth liñ kæ kuendiaen ræi Buœkdæ.

-Dènæ min lär Kuothæ koen ñàc kæ kuen Rièètnikæ ræi Buœkdæ.

-Mëë ci Kuoth ruac kæ Æb-ram, cu Kuoth duœœer lar.

-Mæmæ æmin ci Kuoth æ làr Æb-ram:

Kuænæ Tuk 12:2

2-Kä cu KUÄÄR Æb-ram jioK, “Šän bā ji jakä dør mi diit kã bā ji pöth; bā ciotdu jakä dit æ lõñ, kã bi la puœth.”

-Æ ñu mi ci Kuoth æ làr Æb-ram?

-Min nhamdiæn, ci Kouth rœ yac i bi Æb-ram tèè kæ kuay ti ñuan kã bæ la dør mi diit æ lõñ.

-Kä kæ jæn guààth ëë dan kæ gaat di ti tè kæ Æb-ram kænæ Thÿÿ-ri?

-Cãñæ ni kæl.

-Kä æ ñu Æb-ram kænæ Thÿÿ-ri /thil kæ gaat œ?

-Kæ šoo Thÿÿ-ri min mœ ciek Æb-ram æ röl.

-Kä kæ šoo /thil Æb-ram gaat, cu Kuoth rœ yac i bæ Æb-ram möc kæ kuay ti ñuan.

-Min ræwdiæn, ci Kuoth rœ yac i bæ Æb-ram pöth.

-Kuænæ min ci Kuoth rœ yac kæ jæ kæ kui Æb-ram:



Kuænæ Tuk 12:3

3-Cu KUÄÄR Ab-ram jioek bä, “Bä næi tin puoeth kæ ji pöth, kä bä rami lam ji lam; kä bi næi diaal wii muoœen puoeth jiek kæ ji.”

-Min dioœekdiæn, ci Kuoth rœ yac i bæ næi ti puoeth kæ Æb-ram pöth, kä bæ næi tin lam kæ Æb-ram lam.

-Min ñuaandiæn, ci Kuoth rœ yac i bæ næi diaal pöth kæ ram kæl kä kuay Æb-ram.

-Puoeth in ci Kuoth æ lar i bi bèn kæ kuay Æb-ram æ jæn puoeth in dit ni jæn kä ti diaal.

-Kä æ ña æn kuÿ Æb-ram æmœ, min bi puoeth nææni diaal bèn raar kæ jæ mœ?

-Æ Kään.

-Æ ñu mi bi Käänæ bèn lät?

-Bi Kään bèn kä bæ buœem duirä bèn jöc.

-Bi kään bèn kä bæ buœem lièth bèn jöc.

-Bi Kään bèn kä bæ buœem Ciæ-tan bèn jöc.

-Bi Kään bèn kä bæ Kuoth kænæ naath bèn nyœek kæ mat guäth kæl.

-Bi Kään Ciæ-tan bèn jöc, kä bæ næi diaal bèn pöth wii muoœen.

-Ci Æb-ram tèè ci Kuoth kæ lar bèn ñäth?

-Juä.

-Ñääth Æb-ramæ i /ci Kuoth kac bi lat.

-Ñääth Æb-ramæ i bi Kuoth lat ni thuœek kärœa.

-Kæ kœer kä mēē ci Kuoth ruac kæ Æb-ram, æ ñu mi ci Æb-ram æ lät?

Kuænæ Tuk 12:4-5

4-Kä cu Æb-ram jææn, cèt kæ mēē ci KUÄÄR æ lâr jæ; kä cu Loet wä kæ jæ kææl. Æb-ram tææ kæ run ti jæen bärœw wicdæ dhieec mēē bänÿæ Æ-ran piny.

5-Kä cuæ ciekdæ ni Thÿÿ-ri nañ, kænæ gat däman ni Loet; næi diaal tin tèè kæ jæ kænæ kuakæ diaal kä Æ-ran cuæ kæn diaal šòth kæ jæ kææl, kä cuæ wä muun Kan-aan, æ mäni mēē ci kæ cöp æn wani.

-Æb-ram cuæ wiec ëë cieñæ thin bänÿ piny, kä cuæ Kuoth guœœer guäth ëë cæ jæ jïok i bæ jæ bòth thin.

-Cu Kuoth Æb-ram both ni?

-Ci Kuoth Æb-ram both muun mi pay tuœœek mi coæali Kan-aan.

-Kä ñic æ bi bèn œ, banæ min ci tuœœek kä Æb-ram muun Kan-aan bèn ñàc.